



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Na: Presidente di Parlamento di Kòrsou
Sra. Ch. America-Francisca
Wilhelminaplein 4
Presente

Kòrsou, 30 òktober 2024

Tópiko: Pregunta na Minister Minister di Hustisia sr S. Hato: 'Reorganisashon Landelijk Beveiligingsdienst (LBD)'.

Honorabel sra. America-Francisca,

Señora Presidente, pa medio di e karta aki suskrito ke hasi uso di artíkulo 96 di Reglamentu di Òrdu i ta pidi enkaresidamente pa bo persona por dirigí e karta aki ku e tópiko; 'Reorganisashon Landelijk Beveiligingsdienst (LBD)' na Minister di Hustisia sr S. Hato.

Atentamente,

Ana Maria Pauletta

Miembro di Parlamento, Partido Alternativa Real





PARLAMENTO DI KÒRSOU

Parliament of Curaçao · Parlamento de Curazao · Staten van Curaçao

PRESIDENTE DI PARLAMENTO
DI KÒRSOU

Na
Minister di Hustisia
Sr. S. Hato
Wilhelminaplein z/n
Presente

Willemstad, 5 di novèmber 2024

Bo referensia:

Bo karta:

Nos number:

24-25/00233-0

Tópiko: Preguntanan konforme artíkulo 96 di Reglamento di Òrdu

Apresiabel señor Minister Hato,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na señor Minister ku 4 pregunta di miembro di Parlamento señora A.M V. Pauletta.

Nos ta keda pendiente pa e kontestanan.

Atentamente,

Presidente di Parlamento,

Sra. Ch.M. America-Francisca



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Ministerio di Hustisia
Minister S. Hato
Wilhelminaplein z/n
Presente

Kòrsou, 30 di òktober 2024

Tópiko: Reorganisashon Landelijk Beveiligingsdienst (LBD)

Apresiabel minister sr. Hato,

Djaweps, 26 di sèptèmber último Parlamento a reuní ku minister Hato den un Ora pa Pregunta (vragenuur), pa deliberá tokante e preokupashonnan rondó di e tema di Landelijk Beveiligingsdienst (LBD). Minister Hato durante e reunion a rekonosé e importansia di e unidat di seguridat aki. Mas ainda pa e trabou diario ku nan ta hasi pa protekshon di e kadena gubernamental. Ademas señor Hato a rekonosé ku e trahadónan di LBD ta wardando riba un kontesta definitivo di e ministerio di Hustisia for di aña 2022.

Minister Hato den e reunion di 26 di sèptèmber último a indiká ku e plan di reorganisashon di LBD, a keda entregá na kabinete di minister na aña 2022. I ku un di e motibunanan pa kual no a kumplí ku esaki ainda ta fondo. Suskrito den su funshon komo parlamentario ta haña importante pa tin klaridat pa loke ta trata e fondonan nesesario pa ku reorganisashon di LBD, komo parti integral di kuerpo polisial.

Den kuadro di esaki suskrito tin algun pregunta pa minister Hato:

1. Parlamento lo por risibí un kopia di e plan di reorganisashon di LBD? I minister por konfirmá ku e plan aki a pasa kolegio di minister?
2. Minister lo por indiká na Parlamento, kuantu fondo ta nesesario pa reorganisashon di LBD, segun e plan entregá na aña 2022?
3. Durante di reunion di Parlamento a konfirmá ku tin miembronan di LBD ku ta den 'schaal' 7. Minister por konfirmá ku tin miembro di e unidat di seguridat LBD ku ta den plafònt di 'schaal' 6, sin posibilidat di kresementu, afektando asina aki nan penshun, mientras tin kolega ku ta den 'schaal' 7? Minister por informá Parlamento kuantu di e kasonan aki tin?



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

4. Minister por konfirmá abase di pregunta anterior ku 'schaal' 7 ta un posibilidat mínimo pa tur miembro di LBD ? I ku miembronan ku ta den 'schaal' 6, ku no tin posibilidat di kresementu, mester pasa mas pronto ku ta posibel den por lo mínimo 'schaal' 7? Esaki pa evitá deskriminashon salarial ?

Suskrito ta spera di por haña e kontestanan riba e preguntanan hasí mas pronto ku ta posibel. Teniendo kuenta ku tratamentu di presupuesto 2025.

Danki di antemano,

Ana Maria Pauletta

Miembro di Parlamento, Partido Alternativa Real

